

溫

熱

經

緯

溫熱經緯卷五

海甯王士雄孟英纂

定州楊照藜素園

評

烏程汪曰楨謝城

錢塘任源殿華參

方論

甘草湯

甘草

二兩

水三升。煮取一升半。去滓。溫服七

合。日二服。

王晉三曰。一藥治病。是曰奇方。

徐洄溪曰。大甘爲土之正味。能制腎水越上之火。

王樸莊曰。自靈素至漢晉宋齊諸古方。凡云一兩者。以今之七分六釐準之。凡云一升者。以今之六勺七抄準之。汪按。唐人之方。則一兩當古之三兩。雄按。鞠通凡引古方。輒改定其分兩。而輕重甚未當也。學者審之。雄按。傷寒類要。治傷寒。心悸。脈結代。聖濟總錄。治舌腫塞口。外科精要。治一切癰疽諸發。及丹石煙火藥發。兵部手集。治懸癰。直指方。治痘瘡煩渴。及蟲毒。藥毒。金匱玉函。治小兒撮口。及小兒羸瘦。得效方。治小兒遺溺。皆以一味甘草爲方。妙用良多。總不外乎養陰。緩急。清熱。化毒也。汪按。亦兼取和中利水。

桔梗湯。

桔梗

兩

甘草

兩

水三升。煮取一升。去滓。分

溫再服。

鄒潤安曰。腎家邪熱。循經而上。肺不任受。遂相爭競。二三日。邪熱未盛。故可以甘草瀉火而愈。若不愈。是肺竅不利。氣不宣泄也。以桔梗開之。肺竅既通。氣遂宣泄。熱自透達矣。

雄按。雖以桔梗名湯。而倍用甘草。以爲駕馭。後人改稱甘桔湯。是矣。但須審證而投。不可泥爲通治咽痛之方也。黃錦芳醫案求真。嘗論及之。醫者不可不知。

三豬膚湯。

豬膚。

一斤。雄按。以豬皮去其肉肥。刮如紙。薄。杭人能造。名曰肉鮓。可以充饌。

水一斗。煮取五升。去滓。加白蜜一升。白粉五合。卽是熬

香。和令相得。溫分六服。

王晉三曰。腎應氣。而肺主膚。腎液下泄。不能上蒸於肺。致絡燥。而爲咽痛者。又非甘草所能治矣。當以豬膚。潤肺。腎之燥。解虛煩之熱。白粉。白蜜。緩中。俾豬膚比類。而致津液從腎上。入肺中。循喉龍。復從肺出。絡心。注胸中。而上中下。燥邪解矣。

四黃連阿膠湯。

黃連。

四兩

黃芩。

二兩

芍藥。

二兩

阿膠。

三兩

雞子黃。

一枚

二枚

水五升。先煮三物。取二升。去滓。內膠。烱盡。小冷。內

雞子黃。攪令相得。溫服七合。日三服。

鄒潤安曰。尤氏云。陽經之寒。變爲熱。則歸於氣。陰經之

寒變爲熱則歸於血陽經或有歸於血者惟陰經之熱則必不歸於氣故三陰有熱結證不用調胃承氣小承氣而獨用大承氣諸下利證不已必便膿血是其驗也心中煩不得臥熱證也至二三日以上乃心中煩不得臥則非始卽屬熱矣始卽屬熱心中煩不得臥者爲陰虛陰虛則不得瀉火今至二三日以上始見則爲陽盛陽盛則宜瀉火然致此陽盛亦必其陰本虛故阿膠芍藥雞子黃無非救陰之品瀉火則惟恃芩連而芩止一兩連乃四兩此黃連之任獨冠一方而爲補劑中瀉藥矣

五豬苓湯

豬苓去皮茯苓

澤瀉

滑石

阿膠

各一兩

水四升。先煮四味。取二升。去滓。內阿膠。烱消。溫服七合。

日二

周禹載曰。熱盛膀胱。非水能解。何者。水有止渴之功。而無祛熱之力也。故用豬苓之淡滲。與澤瀉之鹹寒。與五苓不異。而此易朮以膠者。彼屬氣。此屬血也。易桂以滑石者。彼有表。而此爲消熱也。然則所蓄之水去。則熱消矣。潤液之味投。則渴除矣。

鄒潤安曰。松之概。挺拔勁正。楓之概。柔弱易搖。松之理。麤疏。楓之理。堅細。松之葉。至冬益蒼翠而不凋。楓之葉。

至冬遂鮮赤而卽落。是其一柔一剛。顯然殊致。茯苓屬陽。治停蓄之水。不從陽化者。豬苓屬陰。治鼓盪之水。不從陰化者。是故仲景以豬苓名方者。其所治之證。曰少陰病。下利。欬而嘔渴。心煩不得眠者。豬苓湯主之。若五苓散。則其治有渴者。有不渴者。至茯苓。入他方。所治之病。則不渴者居多。蓋渴者。水氣被陽逼迫。欲得陰和而不能也。與之豬苓。使起陰氣。以和陽化水。譬之楓葉已丹。遂能卽落也。

六 大承氣湯。

厚朴。

去皮炙。八兩。

枳實。

炙。五枚。

大黃。

四兩。酒洗。

芒硝。

三合。

水一斗。先煎二物。取五升。去滓。內大黃。煮取二升。去

滓。內硝。更上微火。一二沸。溫。再服。得下。餘勿服。

鄒潤安曰。柯氏云。厚朴倍大黃。爲大承氣。大黃倍厚朴。爲小承氣。是承氣者。在枳朴。應不在大黃矣。但調胃承氣湯。不用枳朴。亦名承氣。何也。且三承氣湯中。有用枳朴者。有不用枳朴者。有用芒硝者。有不用芒硝者。有用甘草者。有不用甘草者。惟大黃。則無不用。是承氣之名。固當屬之大黃。況厚朴三物湯。卽小承氣湯。厚朴分數。且倍於大黃。而命名。反不加承氣字。猶不可見承氣不在枳朴乎。自金元人。以順釋承。而大黃之功不顯。考本經。首推大黃通血。再以六微旨大論。亢則害承。乃制之。

義參之。則承氣者。非血而何。夫氣者血之帥。故血隨氣行。亦隨氣滯。氣滯血不隨之滯者。是氣之不足。非氣之有餘。惟氣滯併波及於血。於是氣以血爲窟宅。血以氣爲禦侮。遂連衡宿食。蒸逼津液。悉化爲火。此時惟大黃能直擣其巢。傾其窟穴。氣之結於血者散。則枳朴遂能效其通氣之職。此大黃所以爲承氣也。雄按此余風論我心汪按大黃本血分之藥故知此說確不可易如此鄭氏先得

七白虎湯。

石膏。

一斤。

知母。

六兩。

甘草。

二兩。

粳米。

六合。

水一斗。

煮米熟湯成。去滓。溫服一升。日三服。

方中行曰。白虎者。西方之金神。司秋之陰獸。虎嘯谷風。

冷。涼風酷暑消。神於解熱。莫如白虎。石膏。知母。辛甘而寒。辛者金之味。寒者金之性。辛甘體寒。得白虎之體焉。甘草。粳米。甘平而溫。甘取其緩。溫取其和。緩而且和。得伏虎之用焉。飲四物之成湯。來白虎之嗥嘯。陽氣者。以天地之疾風名也。風行而虎嘯者。同氣相求也。虎嘯而風生者。同聲相應也。風生而熱解者。物理必至也。抑嘗以此合大小青龍。真武而論之。四物者。四方之通神也。而以命名。蓋謂化裁四時神妙。萬世名義兩符。實自然而然者也。方而若此。可謂至矣。然不明言其神。而神卒莫之掩者。君子慎德。此其道之所以大也。

汪按。飲四物之成湯。以下

數行語多支離牽強。必宜削去。夫白虎湯清熱。乃甘雨
非涼風也。既備四方之神。朱鳥一方何以獨缺。且熱劑
而名真武。名與實爽矣。醫者不能研究醫理。乃附會經
義。以自文其淺陋。甚且衍先天論。太極以欺人。實則無
關於辨證處方也。自明以來庸
醫陋習。大率如此。學者戒之。

〔八〕白虎加人參湯。原方。加人參三兩。煮服同前法。

鄒潤安曰。傷寒。脈浮。發熱。無汗。其表不解者。不可與白

虎湯。

汪按。洄溪云。無汗二字。最爲白虎所忌。

渴欲飲水。無表證者。白虎加

人參湯主之。可見白虎加人參湯之治。重在渴也。其時

時惡風。則非常惡風矣。背微惡寒。則非徧身惡寒矣。

常常惡風。徧身惡寒者。謂之表證。時時惡風。背微惡寒

者。表邪已經化熱。特尙未盡耳。謂之無表證。可也。然熱

邪充斥。津液消亡。用栝蒌根。生津止渴。可也。何以必用人參。靈樞決氣篇。腠理發泄。汗出溱溱。是謂津津。爲水陰屬也。能外達上通。則陽矣。夫是之謂陰中之陽。人參亦陰中之陽。惟其入陰。故能補陰。惟其爲陰中之陽。故能入陰。使人陰中之氣。化爲津。不化爲火。是非栝蒌根。可爲力矣。

雄按。宋奉議云。再三汗下。熱不退者。以此湯。加蒼朮一錢。如神。

元黃芩湯。

黃芩。

三兩。

甘草。

炙。

芍藥。

各二兩。

大棗。

十二枚。

水一

斗。煮取三升。去滓。溫服一升。日再。夜一服。

鄒潤安曰。或問黃芩湯。治何等證。其證腹痛與否。若腹

痛。何以用黃芩。若腹不痛。何以用芍藥。

汪按。腹痛。因乎熱者。甚多。謂腹

痛。必因寒者。前

曰。其證身熱。不惡風。亦不惡熱。或下利。

或嘔。腹則不痛。蓋芍藥。甘草。大棗。桂枝湯裏藥也。以不

惡風。故不用薑桂。黃芩。甘草。大棗。小柴胡裏藥也。以不

往來寒熱。故不用柴胡。以其常熱。故不用人參。若不嘔。

則併不用半夏。生薑。至芍藥。則並不因腹痛而用。以桂

枝湯證。原無腹痛也。亦不心下痞鞭。故不去大棗也。又

厥陰篇云。傷寒脈遲。與黃芩湯。除其熱。腹中則冷。不能

食。可知黃芩湯證之脈。必數。黃芩所治之熱。必自裏達

外。不治但在表分之熱矣。然仲景用黃芩。有三耦焉。氣分熱結者。與柴胡爲耦。血分熱結者。與芍藥爲耦。溼熱阻中者。與黃連爲耦。以柴胡能開氣分之結。不能泄氣分之熱。芍藥能開血分之結。不能清迫血之熱。黃連能治溼生之熱。不能治熱生之溼。譬之解鬥。但去其鬥者。未平其致鬥之怒。鬥終未已也。故黃芩協柴胡。能清氣分之熱。協芍藥。能泄迫血之熱。協黃連。能解熱生之溼也。汪按。前人方解。不過望文生義。必如鄒氏諸條。始覺有味。可咀矣。

十黃芩加半夏生薑湯。原方。加半夏半升。生薑三兩。煮服法同前。

鄒潤安曰。嘔而脈數口渴者。爲火氣犯胃。不宜加此。

雄按。章虛谷云。生薑性熱。僅能治寒。不可泛施於諸感

也。

汪按。傷寒一百十三方。用薑者五十七。則此味原非禁劑。然溫暑證最宜慎用。用之不當。或致殺人。洞溪

謂雖與芩連同用。亦尙有害。是也。又古時未有炮製之法。凡方用半夏。無不兼用薑者。義取制半夏之毒。其所以治病者。功在半夏。不在薑也。今所用半夏。必先已薑製。可不必兼用薑矣。後人不察。但見古方用薑者不少。遂不論何證。隨手妄施。其中必有誤人。而不自覺者。戒之。

十一 梔子豉湯。

梔子。

十四枚

香豉。

四合 絲裹

水四升。先煮梔

子。得二升半。內豉。煮取升半。去滓。分爲二服。溫進一服。

得吐。止後服。

徐洄溪曰。此劑分兩最小。凡治上焦之藥皆然。按此湯。

加減七方。既不注定何經。亦不專治何誤。總由汗吐下
之後。正氣已虛。尚有痰涎滯氣。凝結上焦。非汗下之所
能除。雄按。溫暑溼熱之證。每有痰涎滯氣。凝結上焦。不
必在汗吐下後也。既非汗下可除。尤忌妄投補劑。
經所云。在上者。因而越之。則不動經氣。而正不重傷。此
爲最便。乃不易之法也。古方。梔子皆生用。故入口卽吐。
後人作湯。以梔子炒黑。不復作吐。全失用梔子之意。然
服之於虛煩證。亦有驗。想其清肺除煩之性。故在也。汪
按。欲取吐者。必宜生用。

十二

一物瓜蒂湯。

瓜蒂。

二个。

水一升。

煮取五合。

去滓。

頓服。

頓服。

頓服。

尤在涇曰。暑之中人也。陰虛而多火者。暑卽寓於火之中。爲汗出而煩渴。宜白虎加人參。以清熱生陰。陽虛而多溼者。暑卽伏於溼之內。爲身熱而疼重。故暑病恆以溼爲病。而治溼卽所以治暑。瓜蒂苦寒。能吐能下。去身面四肢水氣。水去而暑無所依。將不治而自解矣。此治中暑兼溼者之法也。

十三炙甘草湯。

一名復脈湯。

甘草。

四兩。

生地黃。

一斤。

麥冬。

仁。

各半斤。

桂枝。

生薑。

各三兩。

人參。

阿膠。

各二兩。

大棗。

三十枚。

方

中行曰。地黃上。不當有生字。

清酒七升。水八升。先煮八味。取三升。

去滓。內膠烱消盡。溫服一升。日三服。

沈亮宸曰。此湯爲千古養陰之祖方也。

鄒潤安曰。地黃分數。獨甲於炙甘草湯者。蓋地黃之用。在其脂液。能榮養筋骸。經脈乾者。枯者。皆能使之潤澤也。功能復脈。故又名復脈湯。脈者原於腎。而主於心。心血枯槁。則脈道泣澀。此傷寒論。所以脈結代。與心動悸。並稱。金匱要畧。又以脈結悸。與汗出而悶。並述。至肺痿之心中。溫溫液液。涎唾多。則陰皆將盡之。孤注陽。僅膏覆之殘焰。惟此湯。可增其殼內絡外之脂液也。

十四瓜蒂散。

瓜蒂。熬黃赤小豆。

各一分。汪按赤小豆乃小粒赤豆。俗名米赤者是也。

勿誤用相思子。

各別擣篩爲散已。合治之。取一錢匕。以香豉。

一合。用熱湯七合。煮作稀糜。去滓。取汁。和散。溫頓服之。不吐者。少少加。得快吐爲止。諸亡血虛家。不可與之。

盧子繇曰。瓜象實在鬚蔓間也。蒂瓜之綴蔓處也。性徧蔓延。末繁於本。故少延輒腐。爾雅云。其紹颺疏云。繼本曰紹。形小曰颺。故近本之瓜常小。近末之瓜轉大也。凡實之吮抽津液。惟瓜稱最。而吮抽津液之樞。惟蒂是以瓜蒂具。徹下炎上之用。乃蒂味苦。而瓜本甘。以見中樞之所以別於上下內外。誠涌泄之宣劑。通劑也。

十五麻黃連軹赤小豆湯。麻黃。連軹。甘草。炙。生薑。

各二兩。赤小豆。生梓白皮。各一升。杏仁。四十枚。大棗。十二枚。

瀉水一斗。先煮麻黃。再沸。去上沫。內諸藥。煮取三升。分溫三服。半日服盡。

鄒潤安曰。本經臚列連翹之功。以寒熱起。以熱結終。此條瘕熱在裏句。適與連翹功用不異。郭景純爾雅注。一名連若。若輶聲同。字異耳。而今本傷寒論。注曰。連輶。卽連翹根。遂以本經有名未用。翹根當之。陶隱居云。方藥不用。人無識者。故唐本草去之。豈仲景書有此。六朝人皆不及見。至王海藏。忽見之耶。噫。亦必無之事矣。

十六 梔子檉皮湯

梔子

十五枚

黃檉

二兩

甘草

一兩

水四升

煮取升半。去滓。分溫再服。

鄒潤安曰。梔子。大黃湯。茵陳蒿湯。大黃消石湯。梔子檃皮湯。證其標皆見於陽明。陽明者。有在經在腑之分。發熱。汗出。懊懣。皆經證也。腹滿。小便不利。皆腑證也。梔子大黃湯證。經多而腑少。茵陳蒿湯證。有腑而無經。梔子檃皮湯證。有經而無腑。大黃消石湯證。經少而腑多。

雄按。金鑑云。此方之甘草。當是茵陳蒿。必傳寫之譌也。

十七茵陳蒿湯。

茵陳蒿。

梔子。

十四

大黃。

水一斗。

先煮茵陳。減六升。內二味。煮取三升。去滓。分溫三服。小便當利。溺如皂角汁狀。色正赤。一宿腹減。病從小便去。

也。

徐澗溪曰。先煮茵陳。則大黃從小便出。此祕法也。

鄒潤安曰。新感之邪。爲素有之熱。結成黃疸。此證已所
謂因陳矣。故傷寒金匱二書。幾若無疸。不因陳者。然梔
子檗皮湯證。有外熱。而無裏熱。麻黃連軹赤小豆湯證。
有裏熱。而無外熱。小建中湯證。小便自利。小柴胡湯證。
腹痛而嘔。小半夏湯證。小便色不變而噦。桂枝加黃耆
湯證。脈浮。梔子大黃湯證。心中懊憹。消石礬石散證。額
上黑。日晡發熱。則內外有熱。但頭汗出。齊頸而還。腹滿。
小便不利。口渴。爲茵陳蒿湯證矣。第腹滿之治。在大黃。
內熱之治。在梔子。惟外復有熱。但頭汗出。小便不利。始
爲茵陳的治。其所以能治此者。以其新葉。因陳幹而生。

清芬可以解鬱熱。苦寒可以泄停溼也。蓋陳幹本能降熱利水。復加以葉之如絲如縷。挺然於暑溼蒸逼之時。先草木而生。後草木而彫。不必能發散。而清芳揚溢。氣暢不斂。則新感者。遂不得不解。自是汗出。不止於頭矣。故曰。發熱汗出。此爲熱越。不能發黃也。

十八 抵當湯。

水蛭。

熬

蝨蟲。

去翅足

桃仁。

去皮尖各三十個

大黃。

三兩

酒浸

右爲末。以水五升。煮取三升。去滓。溫服一升。不下。

再服。

徐洄溪曰。凡人身瘀血方阻。尙有生氣者。易治。阻之久。則無生氣。而難治。蓋血既離經。與正氣全不相屬。投以

輕藥則拒而不納。藥過峻。又能傷未敗之血。故治之極難。水蛭最喜食人之血。而性又遲緩善入。遲則生血不傷。善入則堅積易破。借其力以攻積久之滯。自有利而無害也。

雄按王肯堂云。人溺蜂蜜皆制蛭毒。

章虛谷曰。經言。陽絡傷則血外溢。陰絡傷則血內溢。外溢則吐衄。內溢則便血。蓋陰陽手足十二經交接。皆由絡貫通。接連細絡。分布周身。而血隨氣行。必由經絡流注。表裏循環。是故絡傷則血不能循行。隨陰陽之部而溢出。其傷處卽瘀阻。阻久而蓄積。無陽氣以化之。乃成死血矣。故仲景用飛走蟲藥。引桃仁。專攻絡結之血。大

黃本入血分。再用酒浸。使其氣浮。隨蟲藥。循行表裏。以導死血。歸腸腑而出。豈非為至妙至當之法哉。由是類推。失血諸證。要必以化瘀調經絡為主矣。余每見有初治。即用呆補之法。使瘀結絡閉。不能開通。終至於死。良可慨也。雄按王清任論虛勞亦主瘀阻蓋本大黃蟅蟲丸之義而言也

十九文蛤散。文蛤五兩。為散。以沸湯和一錢匕服。湯用

五合。

二十文蛤湯。文蛤。石膏各五兩。麻黃。甘草。生薑各

兩。杏仁五十枚。大棗十二枚。水六升。煮取二升。溫服一升。

汗出即愈。

鄒潤安曰。文蛤卽海蛤之有文理者。吳人謂之花蛤。雄按

王晉三云。若黥色無文。者服之。令人狂走。赴水。夏小正。季秋之月。雀入于海爲

蛤。安氏云。雀羽蟲也。羽蟲屬火。火炎上。故鳥上飛。曷爲

入海而爲蛤。蓋九月。火伏於戌。十月純陰。金水之令。故

羽蟲感之而化也。蛤屬水。水性下。故下潛。秋冬水勝火。

雀爲蛤象。火之伏於水也。又離爲火。爲雉。爲蚌。雀。雉之

類。蛤。蚌之類。外剛內柔。皆離之變化也。因而思傷寒論。

反以冷水。濕灌之證。非火厄於水而何。金匱要畧。吐後

渴。欲得水之條。非火之溺於水而何。惟其火在水中而

病。故以火入水中而生者。治之。然厄於水者。惡水。惡水。

則火與水未相浹也。故直以是使水中之火。仍暢茂得生而可。已溺於水者。喜水。喜水。則火與水漸相浹矣。故必合麻杏甘膏。加薑棗。以清發之。乃能已也。

二十一 五苓散

澤瀉

六銖

豬苓

茯苓

白朮

各十八銖方中

行曰朮。上不當有白字。雄按二十四銖爲一兩。每銖重四分二釐。弱六銖爲鎰。卽二錢五分。十八銖卽七錢五分。桂枝半兩爲末。以白飲和服。方寸匕。日三。多服煖水。

汗出愈。

沈果之曰。中風發熱六七日。不解而煩。有表裏證。渴欲飲水。水入卽吐者。名曰水逆。五苓散主之。蓋表證爲太陽不足。故用桂以宣陽氣。通津液於周身。卽內經水精

四布。五經並行之旨。非用之以通水道下出也。裏證爲三焦之氣化不宜。故用瀉朮二苓以通三焦之閉塞。非開膀胱之溺竅也。夫下焦之氣化不宜。則腹膨而小便不利。水蓄膀胱。是爲胞痺。此乃水蓄於膀胱之外。不能化入膀胱。故用五苓以化之。至小便不利。汗出而渴者。亦主以是方。而不渴者。茯苓甘草湯主之。蓋渴爲陽氣不足。水不上升也。不升則不降。故用桂以升之。二苓澤瀉以降之。而用朮以爲中樞。乃注者莫不以渴爲熱入膀胱。津液被劫所致。如果熱入。而復用桂朮以溫液耗津。又加苓澤以滲之。是熱之又熱。耗之又耗。速之斃矣。

且不渴者。反不用五苓。而用茯苓甘草湯。可知不渴。則無須桂朮之蒸騰津液。而桂朮之非治太陽。而治三焦。更不待言矣。

二十二 小陷胸湯。

栝蒌實。

大者一枚。黃連。兩。半夏。半升。

水六

升。先煮栝蒌。取三升。去滓。內諸藥。煮取二升。去滓。分溫三服。

鄒潤安曰。觀中言之用栝蒌實。在此湯曰小結胸。正在心下。按之則痛。在栝蒌薤白白酒湯曰喘息欬唾。胸背痛。短氣。而其脈一則曰浮滑。一則曰寸口沈遲。關上小緊數。是皆陰中有陽。且踞於陽位者也。夫胸背痛。較按

之方痛則甚。痺則較結爲輕。欬唾喘息。是其勢爲上衝。而居於心下。按之纔痛。似反靜而不動。此其機。總緣氣與飲相阻。寒與熱相糾。熱甚於寒者。其束縛反急。而爲結。寒甚於熱者。其蔽塞自盛。而爲痺。是故結胸之病伏。胸痺之病散。伏者宜開。散者宜行。故一則佐以連夏之逐飲泄熱。一則佐以薤酒之滑利通陽。枳蘘實之裏無形。攢聚有形。使之滑潤而下。則同。能使之下。似是治實之方。僅能使之下。不能使其必通。又非純乎治實之道矣。何以知不能使之必通。蓋有停飲痛甚。至不得臥。卽當加半夏。若兼胸滿。脇下逆。搶心。則仍加枳朴桂枝。倘

竟能通。又何必如是哉。是知枯蕢實之治。大旨在火與痰結於陽位。不純乎虛。亦不純乎實者。皆能裏之而下。此其擅長矣。

二十三白散。

桔梗。

貝母。

各三分

巴豆。

一分去皮心膜熬黑研如脂雄按古

人以六銖爲一分分字去聲卽二錢五分也

爲末。內巴豆更於臼中杵之。

以白飲和服。強人半錢。羸者減之。病在膈上。必吐。在膈

下。必利。不利進熱粥一杯。利過不止。進冷粥一杯。

汪按半錢

者以銅錢取藥未僅沒錢文之半卽半錢也而省匕字非若今人以五分爲半錢也

鄒潤安曰。寒實結胸。無熱證者。治以白散。散中用桔梗。

爲疏通氣分之主。夫開導胸中之氣。仲景於大承氣湯。

梔子厚朴等湯。莫不用枳朴。此偏不用。何哉。蓋病有上下。治有操縱。結在上者。宿痰停飲也。故凡結胸。無論熱實寒實。甯用甘遂。葶藶。巴豆。不用枳朴。如大陷胸湯。白散。是也。結在中下。始熱與實。痰氣隨熱化。則於蕩滌邪穢中。疏利其與邪爲伍之氣。大小承氣諸湯是也。況桔梗之用。使氣上越。而不使氣下泄。今病在至高。固宜操上而縱下。不使中下無過之地。橫被侵陵。故曰。病在膈上必吐。在膈下必利也。熱邪與停飲結。治以栝蒌。而佐之者。反用半夏黃連。寒邪與停飲結。治以巴豆。而佐之者。反用桔梗貝母。於寒因熱用。熱因寒用之中。反佐

以取之。可謂精義入神。以致用者矣。

二十四調胃承氣湯。

大黃。

四兩。去皮。清酒浸。

甘草。

二兩。炙。

芒硝。半升。

水三升。先煮大黃、甘草。取一升。去滓。內芒硝。更上火。微煮。令沸。少少溫服之。

徐洄溪曰。芒硝善解結熱之邪。大承氣用之。以解已結之熱邪。此方用之。以解將結之熱邪。其能調胃。則全賴甘草也。

二十五升麻鼈甲湯。

升麻。

當歸。

甘草。

各二兩。

蜀椒。

炒去。

汗一兩。

鼈甲。

手指大。一片。炙。

雄黃。

半兩。研。

水四升。

煮取一升。

頓服。

之。老小再服。取汗。金匱要畧。陽毒用此方。陰毒去雄黃。

蜀椒。肘後千金方。陽毒用升麻湯。無鼈甲。有桂。陰毒用甘草湯。卽本方。無雄黃。活人書。陽毒升麻湯。用犀角。射干。黃芩。人參。無當歸。蜀椒。鼈甲。雄黃。

徐洄溪曰。蜀椒辛熱之品。陽毒用。而陰毒反去之。疑誤。活人書。加犀角等。四味。頗切當。

二十六。百合知母湯。 百合。七枚。知母。三兩。先以水洗百合。

漬一宿。當白沫出。去其水。別以泉水二升。煎取一升。去滓。別以泉水二升。煎知母。取一升。後合煎。取一升五合。分溫再服。

王樸莊曰。百合。入藥。以野生極小者。爲勝。

二十七 百合雞子黃湯。 百合七枚 雞子黃一枚 先煎百合。

如前法。了內雞子黃攪勻。煎五分。溫服。

二十八 百合滑石代赭湯。 百合七枚 滑石二兩碎 代赭

石。如彈丸大一枚。碎絲裏。 先煎百合。如前法。別以泉水二升。煎

滑石。代赭。取一升。去滓。後合和重煎。取一升五合。分溫

再服。

二十九 百合地黃湯。 百合七枚 生地黃汁一升 先煎百

合。如前法。了內地黃汁。煎取一升五合。分溫再服。中病

勿更服。大便當如漆。

三十 百合滑石散。 百合一兩 滑石二兩 為散。飲方寸匕。

日三服。當微利者。止服。熱則除。

鄒潤安曰。玩百合知母湯。可以見汗則傷氣。邪搏於氣分。爲消渴熱中也。玩百合雞子黃湯。可以見吐則傷上。邪擾於心。爲煩懊不寐也。玩百合代赭湯。可以見下則傷血。邪搏於血分。爲血脈中熱也。玩百合地黃湯。可以見不經吐下發汗。則係百脈一宗。悉致其病。無氣血上下之偏矣。所謂百脈一宗者何。平人氣象論曰。胃之大絡。名曰虛里。出於左乳下。其動應衣。爲脈宗氣。是最近於心。乃著邪焉。是以見證。行臥不安。如有神靈。皆心中輾轉不適之狀。口苦。小便數。身形如和。其脈微數。皆心

中熱鬱氣。挽之徵。以此例之本經。百合主邪氣。腹滿。心
痛。蓋有若合符節者。而治法。始終不外百合。則以心本
不任受邪。心而竟爲邪擾。則不責將之謀慮不審。卽責
相之治節不行。今邪阻於上。而不下行。爲肺之不主肅
降。無能遁矣。故欲徵其愈期。極宜驗其小便。凡溺時。必
肺氣下導。小便乃出。今氣挂於頭。卽欲下行。上先有故。
則肺形之軒舉。不隨氣之支結。不降。亦又何疑。乃頭中
之不適。復分三等。其最甚者。至氣上挂而爲痛。其次則
不痛。而爲淅淅然。又其次。則因小便通而快然。卽此驗
其軒舉支結之淺深微甚。旣瞭如指掌矣。況合之以百

合地黃湯下云。大便當如漆。百合滑石散下云。微利者。止服。熱則除。則百合之利大小便。又與本經脗合矣。

三十一 栝蒌牡蠣散。

栝蒌根。

牡蠣

熬等分

爲細末。飲

服方寸匕。日三服。

鄒潤安曰。百合病。至一月不解。而變成渴。以百合湯洗之。而仍不差。則病爲傷中上之陰無疑。雖然。僅曰渴。不曰欲飲水。且不煩不熱。究竟病無駐足之所。僅渴之一端。爲得所依藉耳。於此見昔之百脈一宗。悉致其病者。今則上焦已化。而在下者。尙未化也。上焦已化。百脈之病。已蠲其半。百合遂無所用之。而下焦之未化者。不得

不選用牡蠣。使之召陽歸陰。而其主腦。尤在治上焦之
已化者。故方中。配以從陽化陰之栝蘘根。兩物等分。標
名則升栝蘘於牡蠣之上。爲一方之統攝也。

三十二甘草瀉心湯。

甘草。

四兩。

黃芩。

人參。

乾薑。

各三

兩。

半夏。

半升。

黃連。

兩。

大棗。

十二枚。

傷寒論無人參。

水一斗。

煮取六

升。

去滓。再煎。取三升。溫服一升。日三。

王晉三曰。甘草瀉心。非瀉結熱。因胃虛。不能調劑上下。
水寒上逆。火熱不得下降。結爲痞。故君以甘草。大棗。和
胃之陰。乾薑。半夏。啟胃之陽。坐鎮下焦。客氣。使不上逆。
仍用芩連。將已逆爲痞之氣。輕輕瀉卻。而痞乃成泰矣。

三十三 赤豆當歸散。赤小豆。三升浸令芽出曝乾當歸。十斤杵為

散。漿水服。方寸匕。日三。汪按赤小豆乃赤豆之小種今藥肆以半紅半黑之相思子為

赤小豆醫者亦多誤用然相思子不能出芽即此方可證其謬

三十四 二妙散。茅山蒼朮。生川黃檗炒黑為末。搗生薑

煎沸湯調服。

王晉三曰。此偶方之小制也。蒼朮生用。入陽明經。能發

二陽之汗。黃檗炒黑。入太陰經。能除至陰之溼。一生一

熟。相為表裏。治陰分之溼熱。有如鼓應桴之妙。

三十五 生薑瀉心湯。生薑。四兩甘草。炙人參。各三兩黃芩。各三兩

半夏。半升黃連。兩乾薑。各一兩大棗。十二枚水一斗。煮取六

升。去渣。煎取三升。溫服一升。日三。

徐洄溪曰。汗後而邪未盡。必有留飲在心下。其證甚雜。而方中諸藥。一一對證。內中又有一藥。治兩證者。亦有兩藥。合治一證者。錯綜變化。攻補兼施。寒熱互用。皆本內經立方諸法。其藥性。又皆與神農本草所載。無處不合。學者。能於此等方。講求其理。而推廣之。則操縱在我矣。

三十八半夏瀉心湯。

半夏

半升

黃芩

乾薑

甘草

炙

人

參

各二兩

黃連

二兩

大棗

十二枚

水一斗。煮取六升。去渣。再

煎。取三升。溫服一升。日三。

方中行曰。半夏乾薑辛以散虛滿之病。黃芩黃連苦以泄心膈之熱。人參甘草甘以益下後之虛。大棗甘溫潤以滋脾胃之液。曰瀉心者。言滿在心膈而不在胃也。

三十七大黃黃連瀉心湯。

大黃。

兩黃連。

兩。

麻沸湯二

升。漬之須臾。絞去滓。分溫再服。

尤在涇曰。成氏云。此導虛熱之方也。按所謂虛熱者。對燥矢而言也。蓋邪熱入裏。與糟粕相結。則爲實熱。不與糟粕相結。則爲虛熱。非陰虛陽虛之謂。本方以大黃黃連爲劑。而不用枳朴等藥者。蓋以泄虛熱。非以蕩實熱也。雄按。不但不用枳朴等藥也。二味僅以麻沸湯漬。須臾。卽絞其味甚薄。乃可泄虛熱。若久漬味厚。雖無枳

朴亦能下走腸胃也。汪按尤氏解釋極精妙。夢隱更以前法釋之亦妙。

三十八

附子瀉心湯。

大黃

二兩酒浸

黃連

炒

黃芩

炒各一兩

附子

一枚去皮別煮取汁

以麻沸湯二升漬三味。須臾絞去渣。內附

子汁。分溫再服。

徐洄溪曰。前方乃法之最奇者。不取煎而取泡。欲其輕

揚清淡。以滌上焦之邪。此法更精。附子用煎。三味用泡。

扶陽欲其熱。而性重。開痞欲其生。而性輕也。

雄按觀此可知用藥

道之

鄒潤安曰。心之爲體。於卦象離。今被邪逼。則外陽內伐。內陰沸騰。故半夏。甘草。生薑。三瀉心湯。治陰邪之未化。

者也。大黃黃連附子。二瀉心湯。治陰邪之已化者也。陰邪已化。不逼心陽。則在內之沸亂畧定。惟在外之邪氣尙阻。則取二黃之泄熱。蕩去其邪。邪去正自安矣。惡寒汗出者。在上之陰邪。纔化。在下之陰氣復逆。故輕取二黃之氣。以蕩熱除穢。重任附子之威。以追逐逆陰。使之異趨同歸。相成而不相背也。其未化者。陽餒胸於陽位。而恣肆於陰分。邪盤踞於清道。而潰泄於下焦。非乾薑半夏生薑之振散陰霾。不足以廓清心之外郭。非人參黃連之養陰泄熱。不足以安擾心之內訌也。

又曰。余治瘧發時。先嘔者。用半夏瀉心。吐瀉交作者。用

生薑瀉心。胸痞下利者。用甘草瀉心。皆應如桴鼓。

三十九 小承氣湯。

大黃

兩四

厚朴

兩二

枳實

枚三

水四升。煮

取一升二合。去滓。分溫二服。初服湯。當更衣。不爾者。盡飲之。若更衣。勿服。

雄按。於大承氣湯。既去芒硝。而減枳朴。復以大黃同煎。而緩其蕩滌之性。古人謂之和胃之劑。故曰小承湯。

四十 牛黃清心丸。

陝西牛黃

二分五釐

鏡面硃砂

一錢五分

生黃

連

錢五

黃芩

山梔

各三錢

鬱金

錢一

爲末。蒸餅爲糊。丸如

黍米大。每服七八丸。

王晉三曰。此丸古有數方。其義各別。若治溫邪。內陷包

絡神昏者。惟萬氏此方爲妙。蓋溫熱入於心包絡。邪在裏矣。草木之香。僅能達表。不能透裏。必藉牛黃。幽香物性。乃能內透包絡。與神明相合。然尤在佐使之品。配合咸宜。萬氏用芩連山梔。以瀉心火。鬱金以通心氣。辰砂以鎮心神。合之牛黃。相使之妙。是丸調入犀角。羚羊角。金汁。甘草。人中黃。連翹。薄荷。等湯劑中。頗建奇功。

雄按。周公謹云。局方牛黃清心丸。止是前八味。至蒲黃而止。自山藥以後。凡二十一味。乃補虛中山芋丸。當時不知。何以誤併爲一。因循不曾改正。貽誤後人匪細。凡此之類。讀書者。不可不知也。一方用牛黃。雄黃。黃連。黃

芩。梔子。犀角。鬱金。硃砂。各一兩。眞珠。五錢。冰片。麝香。各二錢五分。研煉蜜丸。每重一錢。金箔爲衣。蠟匱。功效較萬方爲勝。汪按萬方太輕。此方較有力。

四十一至寶丹。生烏犀角。生瑤琨。琥珀。鏡面硃

砂。

研飛。各一兩。

西牛黃。

五錢。

龍腦。

研。各一錢。

安息香。

一兩五錢爲末。酒研飛淨。一兩熬膏。用水安息。尤妙。

金箔。

銀箔。

各五十片。研細爲衣。

先

將犀瑤爲細末。入餘藥。研勻。將安息香膏。重湯煮凝成。後入諸藥中。和搜成劑。丸如梧子大。蠟護。臨服剖。用人參湯化下。三九至五九。本事方。有人參。南星。天竺黃。王晉三曰。此治心臟神昏。從表透裏之方也。黃犀瑤。珀。

以有靈之物。內通心竅。硃雄一箔。以重墜之品。安鎮心神。佐以腦麝。安息。搜剔幽隱諸竅。東垣云。冰雄。牛麝。入骨髓。透肌膚。抱朴子言。金箔。雄黃。合餌。爲地仙。若與丹砂同用。爲聖金。餌之可以飛昇。故熱入心包絡。舌絳神昏者。以此丹入寒涼湯藥中。用之。能祛陰起陽。立展神明。有非他藥所可及。徐氏云。安神定魄。必備之方。眞神丹也。若病因頭痛。而卽神昏不語者。此肝虛。魂升於頂。當用牡蠣救逆以降之。又非至寶丹所宜輕試。

四十二涼膈散。

一名連翹飲子。

連翹。

四兩。

大黃。

酒浸。

芒硝。

甘草。

各二兩。

黃芩。

酒炒。

薄荷。

梔子。

各一兩。

爲粗末。

每服三五錢。

加

竹葉七片。水一椀半。煎一椀。去滓。入生白蜜一匙。微煎。溫服。與四物各半服。能和營泄熱。名雙和散。本事方。加赤芍。乾葛。治諸熱。累效。玉機云。輕者。宜桔梗湯。注按此二方。桔梗湯。即本方。去硝黃。加桔梗。舟楫之品。浮而上。名同實異。之。去膈中。無形之熱。且不犯中下二焦也。雄按此方加減法詳宣明論。

徐洄溪曰。此瀉中上二焦之火。即調胃承氣。加疏風清火之品也。

余師愚曰。熱淫於內。治以鹹寒。佐以苦甘。故以連翹。黃芩。竹葉。薄荷。升散於上。大黃。芒硝。推蕩其中。使上升下

行。而膈自清矣。余謂疫疹。乃無形之熱。投以硝黃之猛烈。必致內潰。因去硝黃。加生石膏。桔梗。使熱降清升。而疹自透。亦上升下行之義也。雄按法本宜明剪裁甚善

四十三犀角地黃湯。

暹羅犀角。

磨汁。

連翹。

各三錢。

生地。

五錢。

甘草。

五分。

水二鍾。武火煎三物。至八分。去滓。入犀汁。和

服。

王晉三曰。溫熱入絡。舌絳煩熱。八九日不解。醫反治經。寒之。散之。攻之。熱勢益熾。得此湯立效者。非解陽明熱邪。解心經之絡熱也。按本草。犀角地黃。能走心經。專解營熱。連翹入心。散客熱。甘草入心和絡血。以治溫熱證。

熱邪入絡。功勝局方。

四十四導赤散。

生地。

木通。

甘草梢。

各等分。雄按。生地。木通。不應等。

分。

水煎服。或加淡竹葉。

汪按。古方淡竹葉。即竹葉也。淡竹葉。草。是小青之別種。性能涼胃。不能清心。醫人每

多誤用。雄按。本方去甘草。加黃芩。蜜丸。名火府丹。亦治

心熱。溺溫。淋渴。等證。本方加升麻。黃連。丹皮。名升

四十五理中丸。

人參。

甘草。

朮。

乾薑。

各三

搗篩

爲末。蜜和爲丸。如雞子黃大。以沸湯數合。和一丸。研碎。

溫服之。日三四服。夜二服。腹中未熱。益至三四丸。

雄按。未熱。

二字。須著眼。腹中。不冷者。其可服乎。然不及湯。湯法以四味。依兩數。切用。

水八升。煮取三升。去渣。溫服一升。日三。

徐洄溪曰。此仲景治寒多霍亂之方也。蓋亦傷寒之類。後人以暑月之吐利當之。而亦用此方。更造為大順散者。皆無稽之論也。

四十六 四君子湯。

人參。

白朮。

炒。

茯苓。

各二錢。

甘草。

炙。一錢。

生薑。

三片。

大棗。

二枚。

水煎。溫服。

徐洄溪曰。此補脾之主方。

四十七 玉女煎。

生石膏。

三五錢。

熟地。

三五錢。

或一兩。

麥冬。

二錢。

知母。

牛膝。

各一錢五分。

水一鍾半。煎七分服。

雄按。陳修園力闢此方之謬。然用治陰虛胃火熾盛之齒痛。頗有捷效。若治溫熱病。地黃宜生。牛膝宜刪。葉氏

引用。決不泥守成方。近讀景岳發揮。果與陳氏之論印合。

四十八四物湯。

生地。

當歸。

各三兩

芍藥。

一兩五錢

芩藥。

二兩

咬咀。每服四錢。水二盞。煎八分。去滓。溫服。

張路玉曰。四物爲陰血受病之專藥。非調補真陰之藥也。

汪按。調補真陰。宜集靈膏。

一百

不宜四物。而人多誤會。

四十九小柴胡湯。

柴胡。

半斤

黃芩。

人參。

甘草。

炙

生薑。

各三兩

半夏。

半升

大棗。

十二枚

水一斗二升。

煮取六升。

去滓。

再煎。

取三升。

溫服一升。

日三。

尤拙吾曰。熱入血室。三條。其旨不同。第一條。是血全空。而熱乃入者。空則熱不得聚。而游其部。故脇滿痛。第二條。是熱邪與血俱結於血室者。血結亦能作寒熱。柴胡亦能去血結。不獨和解之謂矣。第三條。是熱邪入而結。經尚行者。經行則熱亦行。而不得留。故必自愈。無犯胃氣。及上二焦。病在血而不在氣。在下而不在上也。若誅伐無過。變證隨出。烏能自愈耶。

沈再平曰。今人治瘧。必用此湯。若非此湯。卽不足以爲治者。故致輾轉淹滯。變生不測。竟能殞命。則知瘧本非死證。惟概以柴胡治瘧者。殺之也。夫柴胡爲少陽表藥。

若其瘧果發於少陽。而以柴胡治之。無不立愈。若係他經。用之則必使他經之邪。輾轉而入少陽。遷延以斃。乃既死。猶曰。柴胡爲治瘧主藥。吾開手卽用之。不知其何以死。病家亦以柴胡治瘧。而竟不效。眞其命之當死也。彼此昏迷。不得一悟。良可浩歎。雄按內經論瘧既分六少陽一經。又分臟腑。並不泥定。醫家釋之。

雄按。本方柴半。各八兩。準今得六錢零八釐。參草苓薑各三兩。準今得二錢二分八釐。棗十二枚。以水一斗二升。準今得八合零四抄。煮至減半。去滓。再煎。至減半。夫煎而又煎。祇取四分之一。其湯之濃郁甘柔可知。喻氏

謂和藥。取其各藥氣味之相和。余謂和者。取其氣緩味厚。斯爲補正托邪之劑。故惟風寒正瘧。邪在少陽者。可以按法而投。則參甘薑棗。補胃充營。半夏利其樞。柴苓解其熱。病無不愈矣。猶之今人。於瘧發之先。飽啖羊肉酒飯。亦能取效。汪按瘧疾寒來之時。強食過飽。往往一寒不能復熱而死。吾見甚多。不可不戒。蓋風寒自表而受。胃腑空虛。自能安穀。治必先助中氣。托邪外出。卽禦外邪。杜其內入。誠一舉兩全之策也。若溫熱暑溼諸瘧。邪從口鼻而受。肺胃之氣。先已窒滯。病發卽不飢。惡穀脘悶苔黃。苟不分別。但執此湯。奉爲聖法。則參甘薑棗。溫補助邪。驟則液涸神昏。緩則邪留結。

痞。且有耗傷陰血。而成瘧勞者。卽不用全方。而專以柴

胡爲治瘧主藥。亦惟營陰充裕。或溫熱暑溼之邪。本不

甚重。及兼感風寒之表邪者。始可見功。汪按治正瘧必宜此湯溫暑亦

有正瘧不獨風寒方用黃芩是清熱非祛寒也且柴胡

主少陽半表半裏黃芩裏藥亦非以治表邪但當辨其

是否正瘧耳若似瘧非瘧妄用柴胡必提成長熱不退

或兩耳大痛甚至神昏更或引動肝風瘧厥立至生平

見之故倪涵初所定三方亦愈病者稀而加病者多也

屢矣

汪按瘧疾強止變成臃脹者多不救而人但知其臃脹

而死未嘗歸咎於治瘧之不善故醫者終身誤人而不

自知雖告世人凡患瘧不究病因輒以薑棗湯灌之其

之不信也

弊類此。羊肉亦然。凡屬時瘧。雖愈後亦忌食。食則必復。

此時瘧之所以異於正瘧也。可不察哉。

五十桂枝紅花湯。

傷寒桂枝湯加紅花。

原方桂枝芍藥生薑各三兩甘

草炙二兩大棗十二枚

五十一蔥豉湯。

葱白。

握一香豉三合

水煎入童子小便一

合日三服。

雄按蘆根桑葉滑石蔗漿之類皆可隨證佐用

張路玉曰本方藥味雖輕功效最著凡虛人風熱伏氣

發溫及產後感冒靡不隨手獲效。

尤拙吾曰溫邪之發陰必先傷設有當行解散者必兼

滋陰之品於其中昔人於蔥豉湯內加童便於梔豉湯

中加地黃麥冬亦此意也。

雄按二方加減古法最詳

華岫雲曰在內之溫邪欲發在外之新邪又加蔥豉湯

最爲捷徑。表分可以肅清。

鄒潤安曰。梔子與葱白。一係泄熱。一係通陽。泄熱者縱。通陽者橫。縱則能通上下之道。此所以宜於汗吐下後。表邪已解之時。橫則能達外內之情。此所以宜於病初起卒。難辨識之際。而豆豉擅開發上焦。鬱抑宣導。陰濁逗留。故在先。在後。咸藉以奏功也。

雄按。葉氏春溫篇。於新邪引動伏邪。亦主是方。蓋此湯爲溫熱初病。開手必用之劑。鞠通不察。舍近而圖遠。遂爲喻氏臆說所惑。以桂枝湯爲初感之治。仍不能跳出傷寒圈子矣。意欲紹述仲聖乎。則祖上之門楣。不可誇。

爲自己之閔閔也。拘守其迹。豈是心傳。尤氏云。桂枝湯。爲傷寒表病而裏和者。設溫病。伏寒變熱。少陰之精。已被劫奪。雖有新舊合邪。不可更用辛溫助熱。而絕其本也。吳氏殆未之聞耶。

五十二 清心涼膈散。一名桔梗湯。

卽涼膈散。四十去硝黃。加

桔梗。余氏又加生石膏。爲治疫疹初起之良劑。

五十三 葦莖湯。

葦莖。二斤 薏苡仁。

瓜瓣。各半斤 桃仁。五十枚

水一斗。先煮葦莖得五升。去滓。內諸藥。煮取二升。服一升。再服。

雄按。鄒氏續疏云。葦莖。形如肺管。甘涼清肺。且有節之

物。生於水中。能不爲津液閼隔者。於津液之閼隔。而生
患害者。尤能使之通行。薏苡色白。味淡。氣涼。性降。秉秋
金之全體。養肺氣以肅清。凡淫熱之邪。客於肺者。非此
不爲功也。瓜瓣。卽冬瓜子。冬瓜子。依於瓢內。瓢易潰爛。
子不能浥。則其能於腐敗之中。自全生氣。卽善於氣血
凝敗之中。全人生氣。故善治腹內結聚諸癰。而滌膿血
濁痰也。桃仁入血分。而通氣。合而成劑。不僅爲肺癰之
妙藥。竟可瘳肺痺之危疴。

五十四瀉白散

桑白皮

地骨皮

各一兩

甘草

五錢

爲粗

末。每服一二錢。入粳米百粒。水煎。

徐涸溪曰。此方能治肺中之飲。

雄按。此瀉去肺熱。而保定肺氣之方也。若肺不傷於熱。而傷於風寒者。誠有如鞠通所謂。必將邪氣戀定。而漸成勞怯矣。故用藥。必先議病也。

五十五葶藶大棗瀉肺湯

葶藶

熬令黃色。擣丸如雞子大。

大棗

十二枚。

水三升。煮棗取二升。去棗。內葶藶。煮取一升。頓服。

雄按。外臺用葶藶杏仁各一升。大棗六十枚。合杵如膏。加蜜作丸。桐子大。桑白皮湯下六七十九。以大便通利爲度。本事方無杏仁。有陳皮。桔梗。棗肉。丸梧子大。每服五七丸。飲下。名棗膏丸。元戎於本方加麻黃。五味子。汪按。

此二味並用。似嫌夾雜。並治痰實飲閉。而為喘脹者。余治虛弱人。患實痰哮喘者。用葶藶炒黃煎湯。去渣。以湯煮大棗食之。亦變峻劑為緩劑之一法也。

五十六竹葉石膏湯。

竹葉。

生石膏。

半夏。

人參。

半斤。洗。

三兩甘草。

二兩。

麥門冬。

一升。

梗米。

半升。

雄按陳修園曰傷寒

汗吐下之後亡其津液。故取甘涼以救其陰也。

水一斗。先煮六味。取六升。去滓。

內梗米。煮米熟湯成。去米。溫服一升。日三。

集驗此方

治

嘔最良。

雄按余用

此方治暑瘧極妙。

徐洄溪曰。此治傷寒解後。虛羸少氣之善後方也。蓋大

病之後。必有留熱。治宜清養。後人俱概用峻補。以留其

病之後。必有留熱。治宜清養。後人俱概用峻補。以留其

病之後。必有留熱。治宜清養。後人俱概用峻補。以留其

邪則元氣不能驟復。愈補愈虛矣。雄按此理惟喻氏知之。葉氏精之。

五十七清燥救肺湯。經霜桑葉。三錢去筋杏仁。七錢去皮麥

門冬。一錢二分生石膏。二錢五分人參。七錢阿膠。八錢胡麻仁。一錢枇杷

葉。去毛筋一片甘草。一錢水一椀煎六分。食遠服。痰多加貝

母。枯蘖。血枯。加生地。熱甚。加犀角。羚羊角。或加牛黃。

柯韻伯曰。古方用香燥之品。以治氣鬱。不獲奏效者。以

火就燥也。惟繆仲淳知之。故用甘涼滋潤之品。以清金

保肺立法。喻氏宗其旨。集諸潤劑。而製此湯。用意深矣。

汪按此治秋燥證之神方。勝於東垣清燥湯多矣。

五十八妙香丸。一名大聖丸

巴豆。三百十五粒去皮牛黃。研

膩粉研龍腦研麝香研辰砂飛九兩金箔九十片研勻

煉黃蠟六兩入白蜜三分同煉令勻為丸每兩作三十

丸白湯下二九日二宜明有水此丸治驚癇百病亦

治傷寒潮熱積熱結胸發黃狂走躁熱大小便不通徐氏

云三分一九難於下咽宜作一分一九每服三九為妥

五十九六一散一名天膩白滑石六兩甘草一兩為

細末每服三錢溫水或新汲水調下日三暑溼內侵風

寒外襲者豆豉五十粒葱白五寸水一盞煮汁調下即

解甚者三服必愈催生下乳溫水搗胡麻漿調下併可

下死胎解斑蝥毒加辰砂少許名益元散加黃丹少許

名紅玉散。加青黛少許。名碧玉散。加薄荷葉末少許。名

雞蘇散。

李瀕湖曰。熱散則三焦甯。而表裏和。溼去。則闌門通。而

陰陽利。完素以之治七十餘證。讚為凡間仙藥。不可缺

之。

雄按小溲清長者勿服

六十。大順散。

甘草。

三十斤剉寸長

乾薑。

杏仁。

去皮尖

肉桂。

去粗皮各

四斤

先將甘草同白砂炒。及八分黃熟。

王晉三曰白砂即河砂或云是

白砂

次入乾薑同炒。令薑裂。次入杏仁。又同炒。候不作

聲為度。篩去砂。後入肉桂。一處擣為散。每服二錢。水煎

溫服。如煩躁。并華水調下。不拘時。沸湯調亦可。

王安道曰。此方甘草最多。乾薑杏仁肉桂次之。除肉桂外。三物皆炒者。原其初意。本爲冒暑伏熱。引飲過多。脾胃受溼。嘔吐水穀不分。臟腑不調。所立蓋溫中藥也。內有杏仁。不過取其能下氣耳。若以之治靜而得之之證。吾恐不能解。而反增內煩也。世俗不明。類曰夏月陰氣在內。此等方爲必用之藥。吁。誤矣。夫陰氣非寒氣也。蓋夏月陽氣發散於外。而陰氣則在內耳。豈可視陰氣爲寒氣。而用溫熱之藥乎。陰果爲寒。何以夏則飲水耶。汪按。若夏月必宜溫藥。則冬月必宜涼藥乎。且大熱煩躁。而更以薑桂之燥熱助之。不得已而用井華水。欲使相濟。不知井華水之力。不能制也。尤爲進退無據矣。

徐洄溪曰。此治暑月。內傷飲冷證。非治暑也。又甘草。多於諸藥八倍。亦非法。此等病。百不得一。偶用之耳。而製藥。四十二斤。又止服二錢。其意何居。其方本不足取。而世之庸醫。竟以此治燥火之暑病。殺人無算。可勝悼哉。

六十一紫雪。

黃金。

一百兩徐云以飛金一萬頁代之尤妙

寒水石。

慈石。

石膏。

滑石。

各三斤

以上並擣碎。用水一斛。煮至四

斗。去滓。入下藥。

羚羊角屑。

犀角屑。

青木香。

沈

香。

各五斤

丁香。

一兩徐云宜用二兩

元參。

升麻。

各一斤

甘草。

八兩炙

以上。入前藥汁中。再煮。取一斗五升。去滓。入下藥。

朴

硝。十硝石。

四斤徐云二硝太多宜用十分之一

二味。入前藥汁中。微火

上煎。柳木篋攪不住。候有七升。投在木盆中。半日欲凝。

入下藥。硃砂。三兩。麝香。當門子。一兩二錢五分。二味入前藥。

中。攪調令勻。瓷器收藏。藥成霜雪而色紫。新汲水調下。

雄按雞峯方。無慈石。滑石。硝石。其二角。祇用各十兩。丁沈木香。各五兩。升麻。六兩。朴硝。二斤。麝香。卻用三兩。餘

六味同。又薛公望云。方中黃金。不用。亦可。汪按。宜用飛金箔。不可去。

徐洞溪曰。邪火毒火。穿經入臟。無藥可治。此能消解。其

效如神。

六十二禹餘糧丸。即鉞砂丸。又名蛇含石丸。蛇含石。即蛇黃大者三兩。以新鐵鉞盛。

入炭火中。燒石與鉞子。一般紅。用鉞取禹餘糧。三兩。真鉞。

蛇黃。傾入醋中。候冷。研極細末。聽用。砂。五兩。以水淘淨。炒乾。入餘糧一處。用米醋二升。就鉞

藥淨甄上
候冷研細

以三物為主。其次量人虛實。入下項藥。

羌活。川芎。木香。茯苓。牛膝。桂心。白豆蔻。

大茴。蓬蘽。附子。乾薑。青皮。三棱。白蒺。

藜。當歸。酒浸一宿
各五錢

爲末。入前藥。拌勻。以湯浸蒸餅。

搥去水。和藥再杵。爲丸。梧子大。食前。溫酒白湯任下。三十丸。至五十丸。最忌鹽。一毫不可入口。否則發疾愈甚。

但試服藥。卽於小便內旋去。不動臟腑。而能去病。日三

服。兼以溫和。調補氣血藥助之。眞神方也。雄按此乃治
水腫寒積之

方今人輒用以治脹。然脹有寒熱二證。設熱脹誤服。貽
害非輕。丹溪云。溫熱之藥太多。宜有加減。不可徒執其

方。魏玉橫云。陰虛內熱。而爲
腹脹。誤服燥熱石藥。必死。

徐洄溪曰。此方兼治有形之積塊。

六十三牡蠣澤瀉散。牡蠣。澤瀉。蜀漆。_{洗去腥}。栝蒌根。

葶藶子。商陸根。_熬。海藻。_{洗去鹹。各等分}。異檮。下篩爲散。

更入臼中杵之。白飲和服。方寸匕。小便利。止後服。雄按古云。

商陸水煎能殺人。

華岫雲曰。葉氏雖善用古方。然但取其法。而並不膠柱。

觀其加減之妙。如復脈建中瀉心等類。可知。至用牡蠣

澤瀉散。祇取此二味。故案中。有但書用某方。而不開明

藥味者。決非盡用原方。必有加減之處。觀者。以意會之

可也。雄按。此論通極諸方。皆當作如是觀。

鄒潤安曰。牡蠣澤瀉散。證水蓄於下。上焦之氣不能爲之化。故類萃商陸。葶藶以從上下降。澤瀉海藻以啟水中清氣上行。枯萇牡蠣則一以上濟其清。一以下召其濁。而使之化耳。

又曰。牡蠣澤瀉散治腰以下水氣不行。必先使商陸葶藶從肺及腎開其來源之壅。而後牡蠣海藻之軟堅。蜀漆澤瀉之開泄。方能得力。用枯萇根者。恐行水之氣過駛。有傷上焦之陰。仍使之從脾吸陰。還歸於上。與常山之蛇擊其首。則尾應。擊其尾。則首應者。不殊也。

六十四越脾湯。

麻黃。

六兩。

石膏。

八兩。

生薑。

三兩。

甘草。

二兩。

大棗。

十二

枚

水六升。煮麻黃去沫。內諸藥。煮取三升。分三服。惡風加附子一枚。

喻嘉言曰。越脾湯者。示微發表於不發之方也。大率取其通調營衛。麻黃石膏二物。一甘熱。一甘寒。合而用之。脾偏於陰。則和以甘熱。胃偏於陽。則和以甘寒。乃至風熱之陽。水寒之陰。凡不和於中土者。悉得用之。何者。中土不和。則水穀不化。其精悍之氣。以實營衛。營衛虛。則或寒或熱之氣。皆得壅塞其隧道。而不通於表裏。所以在表之風水用之。而在裏之水兼渴。而小便自利者。咸必用之。無非欲其不害中土耳。不害中土。自足消患於

方萌矣。

六十五甘遂半夏湯。

甘遂。

大者三枚。

半夏。

十二枚。

芍藥。

五枚。

甘草。

如指大一枚。一本無甘草。汪按王氏雖強爲之釋。究當從一本去甘草爲是。

水二升。煮取

半升。去滓。以蜜半升。和藥汁。煎取八分。頓服之。

王晉三曰。甘遂反甘草。反者。此欲下。而彼欲上也。乃以

芍藥約之。白蜜潤之。則雖反。而甘遂仍得下滲。靈樞有

言。約方如約囊。甘遂半夏。逐留飲。彌漫於腸胃之間。雖

利而續堅滿。苟非以甘草白蜜與甘遂大相反者。激而

行之。焉能去其留著之根。相反爲方。全賴芍藥之酸可

勝甘。約以監反。庶不溷亂中焦而爲害。然學識未優者。

不可輕試於人也。

六十六控涎丹。

一名妙應丸。

甘遂。

去心。大戟。

去皮。白芥子。

各等分。

爲末。蒸餅糊丸。每服五七丸。至十丸。臨臥薑湯服。

雄按余治

虛人飲證。每以六君子湯去甘草。送服甚妥。達可謂之子龍丸。云治流注。鼠毒甚效。

王晉三曰。控。引也。涎。讀作羨。涎涎也。水流貌。引。三焦之

水。涎涎流出於水道也。芥子色白。入肺。而達上焦。甘遂

色黃。入脾。而行中焦。大戟色黑。入腎。而走下焦。故曰芥

子。走皮裏膜外之水飲。甘遂決經隧之水飲。大戟逐臟

腑之水飲。三者。引經各異。涎涎於水道則同。故複之爲

方。而名控涎也。

汪按。涎。卽次之俗字。亦作漩。本指口唾。引伸爲痰涎。王說未當。

六十七 又控涎丹。治諸癰。生川烏。半夏。洗殭蠶。炒各半兩

生薑汁浸一宿鐵粉。三錢全蝎。甘遂。麩裏煨各二錢半為細末。生薑

薑自然汁為丸。如綠豆大。硃砂為衣。每服十五丸。生薑

湯下。二方俱忌食甘草。

六十八 五子五皮湯。即五皮飲。五加皮。地骨皮。茯苓皮。大腹皮。生薑皮。一方五

加易陳皮。一方加杏仁。蘇子。葶藶子。白芥子。萊菔子。方

無杏仁。芥子。有香附。車前子。

六十九 桂苓丸。桂。一兩。茯苓。二兩為末。蜜丸。沸湯下二錢。

作湯。名桂苓飲。

七十 禹功丸。即禹功散黑牽牛頭。入磨一次。不復再磨。四兩大茴香。炒。一兩

爲細末。以生薑自然汁調服。一二錢。或加木香。一兩。

七十二防已茯苓湯。防已。黃耆。桂枝。各二兩。茯苓。六兩。

甘草。二兩。水六升。煮取二升。分溫三服。

王晉三曰。余治太陽腰髀痛。審證借用此方。如鼓之應桴。

七十二中滿分消湯。半夏。錢一。厚朴。黃連。黃檗。俱薑製。

川烏。乾薑。俱炮。開口吳。莢。炒。草豆蔻。炒。木香。人參。各五。

分。茯苓。澤瀉。各一錢半。生薑。五片。水煎。稍熱服。大忌房勞。

生冷。炙燂。酒。麴。糟。醋。鹽。醬。等物。身熱。脈浮。喘滿。有表證。

加麻黃。五分。血虛。至夜煩熱。加歸身。黃耆。各五分。陽氣。

下陷。便溺赤澀。加升麻。柴胡。各三分。脾氣虛弱。飲食不磨。去黃檗。加益智仁。畢澄茄。青皮。各二分。

七十三中滿分消丸。厚朴。半夏。黃連。俱薑汁炒黃芩。

枳實。白朮。同枳實拌溼炒焦乾生薑。茯苓。豬苓。澤瀉。

人參。各五錢甘草。各一錢湯浸蒸餅爲丸。梧子大。每服

百丸。沸湯下。脾胃氣滯。食積脹滿。加陳皮。砂仁。各五

錢。經脈溼滯。腹皮。骹臂。痛不可拊者。加片子薑黃。一錢。

肺熱。氣化不行。溺閉喘渴者。加知母。三錢。

張路玉曰。東垣分消湯丸。一主溫中散滯。一主清熱利水。原其立方之旨。總不出內經。平治權衡。去菀陳莖。開

鬼門。潔淨府等法。其湯方。主中滿寒脹。乃下焦陰氣逆滿。抑遏中焦陽氣。有似乎陰之象。故藥中。雖用烏頭之辛熱。宣布五陽。爲辟除陰邪之嚮導。卽用連櫟之苦寒。以降泄之。苟非風水。膚脹脈浮。證起於表者。孰敢輕用。開鬼門之法。以鼓動其陰。蠱四塞乎。九方主中滿熱脹。用黃芩之輕揚。以降肺熱。則用豬苓澤瀉。以利導之。故專以潔淨府爲務。無事開鬼門。宣布五陽等法也。

七十四小青龍湯。麻黃去節芍藥。細辛。乾薑。甘草。

炙桂枝各三兩五味子。半夏各半升水一斗。先煮麻黃。

減二升。去上沫。內諸藥。煮取三升。去滓。溫服一升。

徐澗溪曰。此方專治水氣。蓋汗爲水類。肺爲水源。邪汗未盡。必停於肺胃之間。病屬有形。非一味發散所能除。此方無微不至。眞神劑也。

七十五木防已湯。

木防已。

三兩桂枝。

二兩人參。

四兩石膏。

如雞子大

二枚水六升。煮取二升。分溫再服。虛者卽愈。實者復發。去石膏。加茯苓。芒硝。

尤拙吾曰。防已。桂枝。一苦。一辛。並能行水。氣而散結氣。而痞堅之處。必有伏陽。吐下之餘。定無完氣。書不盡言。而意可會也。故又以石膏治熱。人參益虛。於法可謂密矣。其虛者。外雖痞堅。而中無結聚。卽水去氣行而愈。其

實者。中實有物。氣暫行而復聚。故三日復發也。去石膏。加芒硝者。魏柏鄉云。以其既散復聚。則有堅定之物。留作包囊。故以堅投堅。而不破者。卽以稟投堅。而卽破也。加茯苓者。亦引飲下行之用耳。

鄒潤安曰。防已之莖如木。故名木防已。後世以其出漢中。因又名漢防已。非二物也。如仲聖。但以防已名湯。則曰木防已湯。連他物以名湯。則除去木字。以便稱謂耳。後人以莖爲木。以根爲漢。及治風治水之分。均屬臆斷。

七十六 藿香正氣散。厚朴。陳皮。桔梗。白朮。半

夏。

各二兩。大腹皮。或換檳榔亦可。

白芷。

茯苓。

蘇葉。

藿

香。名三甘草。炙一為粗末。每服三錢。薑三片。棗一枚。

煎熱服。注按蘭臺軌

七十七。不換金正氣散。蒼朮。泔浸。去皮。麻油厚朴。去皮

炒陳皮。去白甘草。炙。各三兩藿香。半夏。各二兩為粗末。每服

三錢。水煎溫服。或加香豉。

雄按。二方皆治風寒外感。食滯內停。或兼溼邪。或吸穢氣。或傷生冷。或不服水土等證。的是良方。若溫暑熱證。不審不兼寒溼者。在所切禁。今人謂其統治四時感證。不審病情。一概亂用。殊可笑也。

七十八。六和湯。香薷。二兩人參。茯苓。甘草。炙扁豆。

厚朴製木瓜製杏仁尖去皮半夏錢各一藿香砂仁各六

分生薑三片大棗一枚水煎熱服一方無香薷有白朮汪按

宜用香薷為暑月受涼閉汗故表之也

雄按此亦治暑月外感風寒內傷生冷之劑香薷飲之方不一主治畧同皆非治暑之藥也用者辨之

七十九五積散 蒼朮 厚朴 陳皮 甘草 麻黃

桂枝 炮薑 半夏 茯苓 枳殼 桔梗 芍藥

當歸 川芎 白芷 生薑 葱白 為粗末每服三

錢水煎服汪按麻黃亦為閉汗而設

雄按此治外受寒溼內挾冷食之劑

八十一益黃散。陳皮。青皮。_{下食入太}丁香。_{去脾胃中訶}

子肉。五錢能開胃。消食止痢。甘草。炙三錢。為末。每服一二錢。水煎。

錢仲陽用治脾土虛寒嘔吐泄瀉。汪按徐洞溪謂訶子肉水煎澀難入口此

方似宜末服不必水煎

八十一又益黃散。人參。陳皮。去白各一錢。黃耆。二錢。生甘草。

炙甘草。各五分。芍藥。七分。黃連。少許。為末。每服二錢。水一

杯煎五分服。李東垣用治慢脾風。

八十二星附六君湯。即六君子湯。四君子加陳皮半夏是也。加製南

星。白附子。

附連香飲。缺。俟考。

雄按。本論主治。熱氣深伏。煩渴嘔逆。必以黃連之苦降。泄熱爲君。或謂卽香連丸。則木香。與火升作嘔者。非所宜也。若寒嘔。則石蓮丁香飲。甚妙。

八十三黃連竹茹橘皮半夏湯。藥卽湯見。

雄按。此方於橘皮竹茹湯。去生薑之溫。甘草之甘。加黃連之苦寒。以降諸逆衝上之火。半夏之辛開。以通格拒。搏結之氣。用治嘔噦。其效如神。

八十四來復丹。太陰元精石。舶上硫黃。硝石。各一兩用

硫黃爲末。微火炒結成砂子大。橘紅。青皮。去白。五靈脂。澄去砂炒令煙盡。各二錢。

爲末。醋糊丸。豌豆大。每服三十丸。白湯下。

八十五七香餅。香附。丁香皮。各一兩二錢。甘松。八錢。益智仁。

六錢砂仁。蓬莖。各二錢。廣皮。各二錢。爲末。神麴糊調勻。捏成

餅子。每重一二錢。乾之。用時杵碎。水煎服。

八十六平胃散。茅山蒼朮。去粗皮。米泔浸五兩。紫厚朴。去皮。薑汁炒。陳

皮。去白。各三兩二錢。甘草。炙。二兩。爲末。每服二錢。水一盞。薑一

片。同煎七分。溫服。

柯韻伯曰。內經以土運太過。曰敦阜。其病腹滿。不及曰

卑監。其病留滿痞塞。三承氣湯。調胃土之敦阜。此方平

胃土之卑監也。培其卑者。而使之平。非削平之謂。猶溫

膽湯。用涼劑。而使之溫。非用溫之謂也。

雄按。柯氏此論。雖已超越前賢。而義猶未暢也。三承氣湯。調胃土之敦阜。建矣。若卑監者。乃是脾德有慚。土不勝溼。健運失職。陽氣不升。非胃病也。夫脾字從卑。原爲陰土。其性惡溼。燥補相宜。旣知脾溼。去而不滯。脾得補而健運。則是方也。乃調脾土之卑監。而名曰平胃者。以脾氣健而升。則胃自平而降耳。本非削平之謂也。

八十七 胃苓湯。卽平胃。合五苓也。

八十八 桃核承氣湯。桃仁。五十個。去皮尖。大黃。四兩。甘草。桂枝。

芒硝。各二兩。

水七升。煮取二升半。去滓。內芒硝。更上

火。微沸。下火。先令溫服五合。日三服。當微利。徐云微利。則僅通大

便不必定
下血也

徐洄溪曰。熱甚則血凝。而上干心包。故神昏而如狂。血得熱而行。苟能自下。則邪從血出。亦能自愈。但小腹急結。是蓄血見證。宜此主之。

鄒潤安曰。瘀血一證。傷寒論。金匱要畧。論之最詳。大凡已見熱標。而無熱證。脈無熱象者。瘀也。有所阻。則應有所不通。有所阻。而氣化仍通者。瘀也。並無所阻。而自謂若有所阻者。瘀也。有燥象而不渴。不應渴。而反渴者。瘀也。蓋氣以化而行。血以行而化。氣已行。而結者猶結。則非氣病。況血應濡。而不濡。實非枯而似枯。是非有瘀。何

由得此哉。雄按余治李氏婦崩後溺瀉暨顧氏婦產後小便不通皆以瘀行而愈可見病機多幻雖聖人亦有所不能盡也故許知可治毘陵貴婦用桃仁煎而愈古之人有行之者矣王清任論病專究瘀血卽葉氏所云病久入絡義皆本於仲景也

八十九 白虎加桂枝湯。石膏一斤知母六兩甘草二兩梗米

二兩桂枝三兩剉每服五錢水一盞半煎至八分去滓溫服汗出愈

服汗出愈

鄒潤安曰或問桂枝與白虎寒熱天淵安可兼用且論中諄諄以表不解禁用白虎既可兼用則何不加此而必待表解乎曰表不解不可與白虎條上文言脈浮發熱無汗乃麻黃證非特不得用白虎且不得用桂枝矣

白虎證者。脈大也。汗出也。煩渴欲飲水也。三者不兼。卽非是。今云。其脈如平。身無寒但熱。時嘔。皆非白虎證。亦未必可用桂枝。特旣與白虎。則三者必具。再加骨節煩疼之表。則無寒不得用柴胡。有汗不得用麻黃。熱多又不得用附子。不用桂枝和營通絡。而誰用者。且古人於病。有分部。非如後世。多以陰陽五行生克爲言。此雄按因議藥不議病之世。遂成傷寒。有傷寒用藥之例。溫瘧。有溫瘧界積重難返奈何。蓋傷寒自表入裏。故有一毫未化之寒。卽不用藥之例。蓋傷寒自表入裏。故有一毫未化之寒。卽不可與全入者並論。溫瘧自內出外。裏旣全熱。但有骨節煩疼。一種表證。卽不得全認爲熱。而單用白虎。故必兼

桂枝使之盡化而頃刻致和矣。

九十四獸飲。卽六君子湯加草果爲散。每服四五錢。生薑三片。鹽少許。烏梅一个。水煎服。

九十一露薑飲。人參。生薑。等分。陰陽水煎。去滓。露一

宿。再煎數沸。溫服。

葉香巖曰。瘧疾之發。由於受暑者多。若驟用溫補截之。爲害不淺。松江趙嘉柱。瘧發數次。用此法。變血痢而死。雄按。此方必邪衰正餒而纏綿不已者。始可用以截之。白露降。而炎暑消。故取秋露以滌餘邪。若秋前露自地升。不能取也。

九十二鼈甲煎丸。鼈甲。十一分。烏扇。卽射干燒。鼠婦。熬。乾薑。

黃芩。大黃。桂枝。石韋。去毛厚朴。紫葳。阿膠。各三

分柴胡。熟蜆蛭。熟芍藥。牡丹皮。蠱蟲。熟葶藶。各五分

熬半夏。各一分人參。各一分瞿麥。桃仁。各二分蜂窠。四分赤硝。

十二分爲末。取鍛竈下灰一斗。清酒一斛五斗。浸灰。俟

酒盡一半。著鼈甲於中。煮令泛爛。如膠膝。絞取汁。內諸

藥煎爲丸。如梧子大。空心服七丸。日三服。雄按凡用介類之藥入丸

劑皆當仿此聖法庶無流弊

王晉三曰。鼈甲煎丸都用異類。靈動之物。若水陸飛潛

升者。降者。走者。伏者。咸備焉。但恐諸蟲擾亂神明。取鼈

甲爲君守之。其泄厥陰。破癥瘕之功。有非草木所能比

者。阿膠。達表息風。鼈甲。入裏守神。蜣螂。動而性升。蜂房。毒可引下。蠱蟲。破血。鼠婦。走氣。葶藶。泄氣。閉。大黃。泄血。閉。赤硝。栗堅。桃仁。破結。烏扇。降厥陽相火。紫葳。破厥陰血結。乾薑。和陽退寒。黃芩。和陰退熱。和表裏。則有柴胡。桂枝。調營衛。則有人參。白芍。厚朴。達原。劫去其邪。丹皮。入陰。提出其熱。石韋。開上焦之水。瞿麥。滌下焦之水。半夏。和胃而通陰陽。竈灰。性溫走氣。清酒。性暎走血。統而論之。不越厥陰陽明二經之藥。故久瘧。邪去營衛。而著臟腑者。卽非瘧母。亦可借以截之。金匱惟此方。與薯蕷丸。藥品最多。皆治正虛邪著。久而不去之病。非彙集氣

血之藥。攻補兼施。未易奏功也。雄按有形癥瘕按之不

消以緩

九十三六神湯。卽四君子湯。加山藥。扁豆。雄按二陳湯

覆花。石菖蒲。膽南星。亦名六神湯。治顛狂昏厥諸痰證極效。

九十四三黃湯。黃連。酒黃芩。酒炒。大黃。酒浸各等分。金匱

麻沸湯二升。漬之須臾。絞去滓。分溫再服。爲末。煉白

蜜。丸。梧子大。名三黃丸。去大黃。加黃檗等分。煎。名金花

湯。更加梔子。名梔子金花湯。卽黃連解毒湯。爲末。蜜丸。名金花

丸。金花湯。爲末。蜜丸。名三補丸。三黃丸。加黃檗等分。滴

水丸。名大金花丸。

張石頑曰。金花湯。止芩。連。檳。三味作丸。名三補金花丸。較湯多梔子。作湯名解毒。更加大黃。則名大金花湯。湯丸雖異。功用不殊。但取急攻。則用湯。緩祛。則用丸。微有區別耳。

九十五 甘露消毒丹

一名普濟解毒丹

飛滑石

十五兩

絳茵陳

一

西員苗
陳
滑石

兩

淡黃芩

十兩

石菖蒲

六兩

川貝母

各五兩

木通

射

地黃
蒼朮
干通

兩

連翹

薄荷

白豆蔻

各四兩

各藥曬燥。生研細

末

見火則藥性變熱

每服三錢。開水調服。日二次。或以神麴糊

丸。如彈子大。開水化服。亦可。

雄按。此治溼溫時疫之主方也。六元正紀。五運分步。每

年春分後十三日。交二運。徵火旺。天乃漸溫。芒種後十

日。交三運。宮土旺。地乃漸溼。溫溼蒸騰。更加烈日之暑。

爍石流金。人在氣交之中。口鼻吸受其氣。留而不去。乃

成溼溫疫癘之病。而為發熱。倦怠。胸悶。腹脹。肢痠。咽腫。

斑疹。身黃。頤腫。口渴。溺赤。便閉。吐瀉。瘧痢。淋濁。瘡瘍。等

證。但看病人。舌苔淡白。或厚膩。或乾黃者。是暑溼熱疫

之邪。尚在氣分。悉以此丹治之。立效。並主水土不服諸

病。汪按普濟消毒飲用芩連陳皮元參連翹甘桔升柴馬勃鼠黏薄荷板藍根殭蠶或加人參大黃今附載

九十六神犀丹。烏犀角尖。磨汁石菖蒲。黃芩。各六兩真懷

生地。冷水洗淨浸透搗絞汁銀花。各一斤如有鮮者搗汁用尤良糞清。連翹。各

兩板藍根。九兩。無則以飛淨青黛代之。香鼓八兩。元參七兩。花粉。紫草。

各四兩。各生曬研細。忌用火炒。以犀角。地黃汁。糞清。和擣爲

丸。切勿加蜜。如難丸。可將香鼓煮爛。每重三錢。涼開水化服。日二次。小

兒減半。如無糞清。可加人中黃。四兩。研入。

雄按。溫熱暑疫諸病。邪不卽解。耗液傷營。逆傳內陷。痙

厥昏狂。譫語發斑等證。但看病人。舌色乾光。或紫降。或

圓硬。或黑苔。皆以此丹救之。若初病。卽覺神情昏躁。而

舌赤。口乾者。是溫暑直入營分。酷暑之時。陰虛之體。及

新產婦人。患此最多。急須用此。多可挽回。切勿拘泥日

數。誤投別劑。以僨事也。兼治痘瘡毒重。夾帶紫斑危證。

暨痘疹後。餘毒內熾。口糜咽腐。目赤神煩。諸證。方中犀角為君。鎊而煎之。味極難出。磨則需時。緩不及待。抑且價昂。非貧人所能猝辦。有力者預為合就。施送。則患者易得。救活必多。貧者重生。陰功亦大。或存心之藥鋪。照本製售。亦方便之一端也。

九十七溫膽湯。

竹茹。

枳實。

半夏。

各一兩。

橘紅。

二兩五錢。

茯苓。

錢七。

甘草。炙四錢。

每服四五錢。生薑一片。紅棗一枚。水

一鍾五分。煎七分服。

羅東逸曰。膽為中正之官。清靜之府。喜甯謐。惡煩擾。喜柔和。不喜壅鬱。蓋東方木德。少陽溫和之氣也。是以虛煩驚悸者。中正之官。以煊熱而不甯也。熱嘔吐苦者。清靜之府。以鬱久而不謐也。痰氣上逆者。土家溼熱反乘。

而木不得遂其條達也。如是者，首當清熱及解利三焦。方中以竹茹清胃皖之陽，而臣以甘草、橘半通胃以調其氣。佐以枳實除三焦之痰壅，使以茯苓平滲致中焦之清氣。且以驅邪，且以養正。三焦平而少陽平。三陽正而少陽正。膽家有不清甯而和者乎？和卽溫也。溫之者實涼之也。晉三亦云膽氣退熱爲溫，非謂膽寒而溫之也。雄按此方去薑棗加黃連治溼熱挾痰而化瘧者甚妙，古人所未知也。

九十八 麻黃杏仁甘草石膏湯。藥師湯見。

張石頑曰：此大青龍湯去桂枝，越脾湯加杏仁也。雄按彼二

方有薑棗專祛上焦溼熱痰氣，與苓桂朮甘湯互發，彼藉苓

朮專祛心下之支飲。此藉石膏專祛膈上之溼熱也。汪按

此語可商。石膏除熱非祛溼之品也。

尤在涇曰。汗出而喘。無大熱者。其邪不在經腠而在肺中。故非桂枝所能發。麻杏辛甘入肺散邪氣。肺被邪鬱而生熱。石膏辛寒入肺除熱氣。甘草甘溫安中氣。且以助其散邪清熱之用。乃肺臟邪氣發喘之的劑也。

又曰。大青龍主散表寒而兼清裏熱。故麻黃多於石膏。此清肺熱而兼散肺邪。故石膏多於麻黃。

九十九白頭翁湯。

白頭翁。

二兩

秦皮。

黃連。

黃檗。

各三兩

水七升。煮取二升。去滓。溫服一升。

柯韻伯曰。三陰俱有下利證。自利不渴者。屬太陰。是臟有寒也。自利渴者。屬少陰。以下焦虛寒。津液不升。故引水自救也。惟厥陰下利。屬於熱。以厥陰主肝。而司相火。肝旺則氣上撞心。火鬱則熱利下重。溼熱穢氣。奔迫廣腸。魄門重滯而難出。內經云。暴注下迫者。是矣。脈沈爲在裏。弦爲肝脈。是木鬱之徵也。渴欲飲水。厥陰病。則消渴也。白頭翁。臨風偏靜。長於驅風。用爲君者。以厥陰風木。風動則木搖。而火旺。欲平走竅之火。必甯搖動之風。秦皮。木小而高。得清陽上升之象。爲臣。是本鬱達之所。以遂其發陳之性也。黃連。瀉君火。可除上焦之渴。是苦

以發之。黃檗瀉相火。可止下焦之利。是苦以堅之也。治厥陰熱利。有一。初利用此方。以升陽散火。是謂下者舉之。寒因熱用法。久利。則用烏梅丸之酸。以收火。佐以苦寒。雜以溫補。是謂逆之。從之。隨所利而行之。調其氣。使之平也。雄按徐氏亦云烏梅丸治久痢之聖方也

一百。縮脾飲。縮砂仁。烏梅肉。草果仁。煨甘草。炙各四兩

乾葛。白扁豆。各二兩每服四錢。水一碗。煎八分。水澄。

冷服。以解煩。或欲溫欲熱。任意服。

雄按。脾爲陰土。喜燥而惡溼。貪涼飲冷。則脾陽爲溼所滯。而緩縱解佚。不能宣運如常矣。故以砂仁。草果。快脾。

而去其所惡之溼。臣以甘草、扁豆、甘淡以培其正氣。卽佐葛根、烏梅。一以振其敷布之權。一以縮其緩縱之勢。况梅能生液。溼去津生。最爲可法。

一百一三甲散。龜甲。並用酥炙黃。爲末。各一錢。

穿山甲。土炒黃。爲末。蟬蛻。洗淨。炙乾。白殭蠶。切生用。牡蠣。煨爲末。當歸。

各五分。白芍。酒炒。七分。甘草。三分。蠱蟲。三個。乾者。擘碎。鮮者。杵爛。

服其滓入。水二鍾。煎八分。濾去滓。溫服。諸藥同煎。

雄按。此方從金匱。龜甲煎丸。脫胎。

一百二白虎加蒼朮湯。卽白虎湯。加蒼朮一味。

葉香巖曰。知母。氣味苦寒。入足陽明。甘草。氣味甘平。入

足太陰。石膏。氣味辛寒。入手太陰。足陽明。蒼朮。氣味苦辛溫。入足太陰。梗米。氣味甘平。入手足太陰。此治暑溼相搏。而為溼溫病者。以苦寒辛寒之藥。清其暑。以辛溫雄烈之藥。燥其溼。而以甘平之藥。緩其中。則賊邪正邪皆卻。病自安矣。

一百二 清暑益氣湯。人參。黃耆。白朮。廣皮。神麴。澤瀉。各五分。蒼朮。升麻。各一錢。麥冬。炙草。葛根。

當歸。黃檗。各二分。青皮。二分。五味子。九粒。水二盞。煎

一盞。去滓。溫服。雄按。治法彙止。用參。耆。朮。草。歸身。橘皮。五味。麥冬。黃檗。九味。加薑。棗。汪按。東垣

此方。河溪已譏其用藥雜亂。此去蒼朮。升麻。葛根。是矣。然猶不免近雜。用此方者。加減尚宜斟酌。

王晉三曰。此治膏粱之體。因避暑而襲涼飲冷。內傷脾胃。抑遏真陽之劑。故方中。以清解與補益兼施。

尤拙吾曰。元氣本虛。而又傷於暑溼。以致四肢倦怠。精神短少。懶於動作。胸氣短促。不思飲食。脈浮緩而遲者。

雄按。其脈如是。乃氣虛溼盛。兼吸微暑也。可用此方。若體實脈盛。或雖虛而

不甚。及津涸煩渴。多火者。則不可混投也。雄按。溼熱病

條後。余有清暑益氣法。可用也。汪按。夢隱所定。清暑益

氣方。用西洋參。石斛。麥冬。黃連。竹葉。荷稈。知母。甘草。梗

米。西瓜翠衣。十味。較東垣之方爲安。然臨證。尙宜加減

斟酌。又按。傷暑倦怠。投參麥五味立效。然必審其無外

感者。若有暑邪。投之。其

危立至。不可不慎也。

雄按。東垣專事升陽。徐洄溪。章杏雲。皆深非之。此方亦

從補中益氣加味。魏柳洲云。補中益氣湯。爲東垣治內傷外感第一方。後人讀其書者。鮮不奉爲金科玉律。然不知近代病人。類多眞陰不足。上盛下虛者。十居八九。卽遇內傷外感之證。投之輒增劇。非此方之謬。要知時代。稟賦各殊耳。陸麗京嘗言。陰虛人。誤服補中益氣。往往暴脫。司命者。審諸今人吸煙者多。陰液既已耗傷。痰氣極易升逆。按丹溪云。素無痰者。服升柴。不致滿悶。孫文垣云。經謂。升降浮沈。必順之。又曰。天時不可伐。雖宜升提之病。而冬之閉藏。實爲春令發生之本。天人一理。若不顧天時。而強用升提之法。是伐天和。而泄元氣。根本既虧。來春何以發生。此等至理。皆不可不知也。余謂東垣立方命名。本錯設當時。立此培中舉陷之法。名曰補中升氣湯。則後人顧名思義。咸知其爲

升劑矣。原以升藥舉陷。乃既曰補中。復云益氣。後人遂以爲參朮得升柴。如黃耆得防風。而功愈大。既能補脾胃之不足。又可益元氣之健行。凡屬虛人。皆堪服餌。而忘其爲治中虛。兼外感之方。再經立齋之表章。每與腎氣丸相輔而行。幸張會卿一靈未泯。雖好溫補。獨謂此方未可浪用。奈以盧不遠之賢。亦袒新甫。甚矣積重之難返也。惟葉天士謂立齋用藥。每執死法。未免有不中肯綮者。汪按。洞溪亦以立齋爲庸醫之首。

一百四生脈散。方見溼熱病篇第三十九條。

一百五香薷飲。四味香薷飲。黃連香薷飲。五物香

蕭飲。十味香蕭飲。並見溼熱病篇第四十條。

一百六 真人養臟湯。人參 白朮炒焦各錢半 肉桂 訶子。

肉。木香。肉豆蔻。罌粟殼各五分 水煎溫服。一方

有白芍。甘草。甚者加附子五分。

雄按。此治久瀉。而脾腎虛寒。臟氣不攝之方也。汪按。此方詞子

肉。罌粟殼並用。較益黃散更澀。亦宜未服。不宜煎服。又按此方必純屬虛寒者方可用。若用以治暑熱之痢。則

必噤口告危。殺人如草矣。

一百七 冷香飲子。附子炮 陳皮 草果各一錢 炙甘草一錢

五生薑五片 水一鍾煎滾。即瀉井水頓冷服。

雄按。此方與大順散皆治陰寒冷溼之氣。客於太少二

陰而爲霍亂吐下之方也。多由畏熱而浴冷臥風過啖冰瓜所致。乃暑月之中寒證。非病暑也。若痢疾門中可用此方之證甚屬罕見。苟諦審未確切須慎之。萬一誤投。噬臍奚及。洄溪云。如有暑邪者。薑斷不可用。雖佐苓連不可救也。況薑附同用。而無監制之品者乎。俞東扶云。昔羅謙甫治商參政與完顏小將軍二案俱用熱藥。俱不名曰暑病。又吳球治遠行人一案。雖在暑月。直曰中寒。蓋恐後世誤以熱藥治暑。特舉病因以稱之。可謂名正言順矣。蓋寒暑者。天地一定之陰陽。不容混淆。隆冬既有熱病。盛夏豈無寒病。故辨證爲醫家第一要務。

辨證既明。自然不惑於悠悠之謬論。而無倒行逆施。遺人夭殃之慮矣。

一百八敗毒散。羌活。獨活。柴胡。前胡。川芎。

枳殼。桔梗。茯苓。甘草。薄荷。爲細末。每服二

錢。水一盞。煎七分。溫服。或沸湯點服。亦得。雄按此卽活

參薑加薄荷

余師愚曰。此足三陽藥也。羌活入太陽。而理遊風。獨活入太陰。而理伏邪。兼能除痛。柴胡散熱升清。協川芎和血平肝。以治頭痛目昏。前胡枳殼降氣行痰。協桔梗茯苓。以泄肺熱。而除慳消腫。甘草和裏。更以薄荷爲君。取

其清涼。氣味皆薄。疏導經絡表散。能除高巔邪熱。方名

敗毒。良有以也。疫證初起。服此先去其爪牙。

雄按。爪牙者。表邪之

謂也。無表邪者。不可用也。

使邪不盤踞經絡。有斑即透。較升葛荆防。

發表多多矣。如口乾舌燥。加黃芩。喉痛加山豆根。倍甘

桔。

雄按。雖加苦寒之品。終嫌升散。必惡寒無汗者。始可用也。

古方引用生薑。生薑性

太熱。與疫證不宜。以葱白易之可也。

雄按。喻氏論疫。推服此方。爲第一。極言其功效之神。後

人從而和之。然羌獨柴芎。類屬溫升。考活人書。治傷寒。

瘟疫。風溼。風眩。拘攣。風痰。頭痛。目眩。四肢痛。憎寒壯熱。

項強。睛疼。則所治者。原是風寒溼障。雜感之傷寒。瘟疫。

並非兼治暑燥之病者。余氏因熊氏先翦爪牙之說。遂謂溫熱之疫。初起亦當先服此方。雖每服二錢。尙是小劑。但必外挾風寒溼之表邪者。始爲合拍。否則熱得風而愈熾。能無亢逆之憂乎。惟桔梗湯五十最爲中窾。用者審之。

一百九 清瘟敗毒飲。

生石膏。

大劑六兩至八兩中劑二兩至四兩小劑八錢至一

兩二小生地。

大劑六錢至一兩中劑三錢至二錢小劑二錢至四錢烏犀角。大劑六錢至一兩中劑三錢至二錢小劑二錢至四錢

至八錢中劑三錢至五錢小劑二錢至四錢

真川連。

大劑四錢至六錢中劑二錢至四錢小劑一錢至二錢

至一錢半 梔子。

桔梗。

黃芩。

知母。

赤芍。

元參。

連

翹。

甘草。

丹皮。

鮮竹葉。

先煮石膏數十沸。後下

諸藥犀角磨汁和服。

此十二經泄火之藥也。凡一切火熱。表裏俱盛。狂躁。煩心。口乾。咽痛。大熱。乾嘔。錯語。不眠。吐血。衄血。熱甚發斑。不論始終。以此爲主方。蓋斑疹雖出於胃。亦諸經之火。有以助之。重用石膏。直入胃經。使其敷布於十二經。退其淫熱。佐以黃連。犀角。黃芩。泄心肺火於上焦。丹皮。梔子。赤芍。泄肝經之火。連翹。元參。解散浮遊之火。生地。知母。抑陽扶陰。泄其亢甚之火。而救欲絕之水。桔梗。竹葉。載藥上行。使以甘草和胃。此大寒解毒之劑。重用石膏。則甚者先平。而諸經之火。自無不安矣。若疫證初起。惡

寒發熱。頭痛如劈。煩躁。譫妄。身熱。肢冷。舌刺。脣焦。上嘔。
下泄。六脈沈細而數。卽用大劑。沈而數者。卽用中劑。浮
大而數者。用小劑。如斑一出。卽加大青葉。併少佐升麻。
四五分。引毒外透。此內化外解。濁降清升之法。治一得
一。治十得十。以視升提發表。而加劇者。何不俯取芻蕘
之一得乎。雄按。觀此說。則初起不必用翦爪牙之法也。
木通名升麻。清胃湯輕清涼血。亦是透化。乾隆甲申。余
斑疹之妙法。誤食葷腥者。加山查砂仁。客中州。先君偶染時疫。爲羣醫所誤。抱恨終天。曷其有
極。思於此證。必有以活人者。公之於世。亦以稍釋余懷。
因讀本草。言石膏性寒。大清胃熱。味淡氣薄。能解肌熱。

體沈性降。能泄實熱。恍然大悟。非石膏不足以治熱疫。遇有其證。輒投之。無不得心應手。三十年來。頗堪自信。活人所不治者。筆難罄述。然一人之治人有限。因人以及人無窮。因著爲疫疹一得。公之於世。使天下有病斯疫者。起死回生。咸登壽域。余心庶稍安焉。桐城余霖漫識。

吳種芝曰。甲寅夏久無雨。暑氣盛行。人多疾病。病則必死。醫家束手不治。卽愚輒予以石膏黃連等劑。無不立效。其得之則生。不得則死者。不可更僕數。而余門下奎氏兄弟。一存一天。尤屬明徵。然活日多。而謗者日

益衆。謂師愚。非石膏不立劑。是誣。甚至以謗。師愚之故。并謂石膏爲斷不可用。豈不更誣藥哉。誣人旣已。不可誣藥。而愚者信焉。妄者傳焉。雖遇熱證凶危。仍以柴葛當之。不效則投以丹芩。又不效。則投以人參桂附。按雄粗工伎倆。大率如此。至於一誤再誤。死而後已。醫者猶詡詡得意。曰。非我也。命也。是以謗師愚之故。而累及無辜。置人之生死於弗顧也。豈不大可歎哉。

莊製亭曰。此方分兩太重。臨證時。不妨量裁一二味。或減輕分兩。如石膏。由三五錢。以至二三兩。皆可取效。按汪

石膏體重。若止用三五錢。似嫌太少。

雄按余君治祁某案後云。此方醫家不敢用。病家不敢服。甚至藥肆不敢賣。有此三不敢。疫證之死於誤者。不知凡幾。紀文達公於癸丑年。曾目擊師愚之法。活人無數。而謂其石膏有一劑用至八兩。一人服至四斤。因而疑爲司天運氣所值。未可執爲通例。余氏書中亦羅列運氣之說。然則甲子。甲申。戊子。丙午。癸丑。甲寅等年。歲運並不同。何以案中治法皆同乎。此司天在泉之不可泥。但察其時之旱潦。見證之宜否。爲可憑也。道光中。歸安江筆花。治一時疫發斑。用石膏至十四斤。而斑始透。蓋深得師愚之法者。而王子中太史。白田集有石膏辨。

云目擊受石膏之害者甚多。深以繆仲淳、袁體庵爲不可法。賢者尙爾，無怪乎庸耳俗目之謗師愚也。夫停食不消，因而致死者多矣，豈可歸罪於五穀，以爲神農后稷作俑，而令天下人辟穀耶？況物性之中和，莫如穀矣。而霍亂痧脹，一口米湯下咽，卽難救治，蓋一病有一病之宜忌，用得其宜，硝黃可稱補劑，苟犯其忌，參朮不異砒礪，故不可舍病之虛實寒熱，而不論，徒執藥性之純駁，以分良毒也。補偏救弊，隨時而中，貴於醫者之識病耳。先議病，後議藥，中病卽是良藥。汪按：凡藥能治病者，誤用卽能殺人。參朮與硝黃無異也。貴於中病而已。乃世人無病者，偏好服藥，及有病，又不議病而議藥。醫者欲其道之行，藉以謀

生相率阿世取容。偶有特立之士。力排衆論。別出心裁。如師愚者。且羣目爲怪物矣。欲求醫學之昌明。何可得乎。此數語。乃醫者之良箴。處方之軌範。吾願世之醫人。取而三復之。然讀書以明理。明理以致用。苟食而不化。則粗庸偏謬。貽害無窮。非獨石膏爲然矣。搢紳先生。博覽之餘。往往涉獵岐黃家言。或筆之於書。或參贊親友之病。世人因信其知儒。遂併信其知醫。孰知紙上談兵。誤人不淺。呂晚村。是其尤者也。安得如徐洄溪者。一一而砭之哉。汪按。洄溪有涉獵醫書。誤人論。言皆切中。可以垂戒。而醫貫砭一書。尤極有功於醫學。無如世之庸耳俗目。推尊晚村者。終不肯信也。可歎。

一百十 錫類散。

象牙屑。

焙。

珍珠。各三分。

飛青黛。

六分。

梅花冰

片。

三釐。

壁錢。俗名喜兒窠。二十個。用泥壁上者。木板上者。勿用。

西牛黃。

人指甲。

男病用女女病用男
分別合配各五釐

研極細粉密裝瓷餅內勿使泄

氣專治爛喉時證及乳蛾牙疳口舌腐爛凡屬外淫爲患諸藥不效者吹入患處瀕死可活

雄按此方尤鶴年附載於金匱翼云張瑞符傳此救人而得子故余名之曰錫類散功效甚著不能殫述

一百十一 硃砂安神丸

透明硃砂

另

黃連

各五

生地

錢三

當歸

甘草

各二錢

爲細末酒泡蒸餅丸如麻子大卽

以硃砂爲衣每服三十丸臥時津液嚥下

葉仲堅曰經云神氣舍心精神畢具又云心者生之本神之舍也且心爲君主之官主不明則精氣亂神太勞

則魂魄散。所以寤寐不安。淫邪發夢。輕則驚悸怔忡。重則癡妄顛狂。硃砂具光明之體。赤色通心。重能鎮怯。寒能勝熱。甘以生津。抑陰火之浮遊。以養上焦之元氣。爲安神之第一品。心苦熱。配黃連之苦寒。瀉心熱也。更佐甘草之甘。以瀉之。心主血。用當歸之甘溫。歸心血也。更佐地黃之寒。以補之。心血足。則肝得所藏。而魂自安。心熱解。則肺得其職。而形自正也。

一百十二集靈膏。

人參。

枸杞子。

各一斤

天冬。

麥冬。

生地。

熟地。

各二十兩

懷牛膝。

酒蒸四兩

甜水。

砂鍋。

熬膏。將

成。加煉白蜜六兩。滾數沸。收之。白湯。或酒調服。

雄按。先大父云。此方始見於廣筆記。云出內府。又載於
治法彙。而無牛膝。方後注。血虛加當歸。四兩。脾弱加白
朮。四兩。或半斤。且云治一切。氣血兩虛。身弱欬嗽者。罔
不獲效。凡少年。但覺氣弱倦怠。津液少。虛火上炎。急宜
服之。後惟魏玉橫。善用此方。續名醫類案。內極著其功
效。實卽人參固本加味也。或又加仙露脾。余謂。峻滋肝
腎之陰。無出此方之右者。若兼帶下遺精者。宜去牛膝。
加黃檗。大便易滑者。亦去牛膝。重加生薏仁。理虛。元鑑
治勞嗽。用本方。去人參。牛膝。加元參。甘桔。

一百十三。麥冬湯。

麥冬。

兩。炙甘草。

兩。鮮竹葉。

十五

北棗

肉。兩枚

爲細末。每服五錢。杭米湯盞生煎。至一盞溫服。

不能服者。絲漬點口中。如加人參更妙。

雄按。此海藏方也。卽金匱麥門冬湯。去半夏。加竹葉。治房勞復之氣欲絕者。服之大效。然外臺於此證。主一味竹皮湯。以竹皮堅韌。能固氣液之脫。而清虛火。方中似不可缺。又枸杞子。純甘多液。能補精神氣血之耗傷。凡氣喘吸促。根蒂欲滴者。可加入兩許。殊勝人參熟地也。卽不因房勞。而氣液兩虧。不能受重劑峻補者。余亦用此法。接續其一綫之生機。每多獲效。推而廣之。可以養心營。可以潤肺燥。

汪按。嗽證。肺雖虛。而尙有邪者。麥冬。究宜慎用。可以緩肝急。

可以補脾陰。其用多矣。宜易其名曰。小復服湯。

溫熱經緯卷五